



En vëndres, ai 05.06.2015 complësc **Paola Piccolruaz** d'Alfarëi **89** agn y en domënia, ai 07.06.2015 **Berta Lanzarini Clement** da La Müda **82** agn. L'Seniorenclub y düta la Comunité ti aoda düd l'bun, sanité y benedisciun de Dî.

Gita dles ëles: la Uniun dles Èles de Badia inviëia dütes ala gita en jöbia, ai 04.06.2015. An pëia ia da Pedraces dales 07:00 y an vá a mëssa a Riffian y dedô vijita a Trautmannsdorf. Gnide tröpes y prenotesse pro Maria al nr. 0471/839842.

Istitut da Mühlbach: wir laden ganz herzlich zum **Tag der offenen Tür** an der gleichgestellten Mittelschule „Maria Hueber“ im Herz-Jesu-Institut von Mühlbach, am Samstag, 6. Juni. All unsere Tore und Türen sind für Sie geöffnet!

Le Sorvisc ai Jogn Val Badia chir voluntars a daidé pro la "Festa di mituns 2015" che sarà ai 14 de messé dales 09:00 - 17:00 o ince ma mez le de. Chi che ess interes pó cherdé al nr. 0474/523070 cina ai 05.06.2015 (dal lönesc ala jöbia dales 08:00-12:00 y 13:00-17:00).

Al vëgn ince lascé alsavëi che por le iade d' aventöra al Ijola d' Elba, dai 18 ai 25 de jügn, por jogn y jones tl' eté dla scora alta, èl ciamó 3 posc lëdi. Chi che á interes, é perιά da se prenoté por mail a valentin@jogn.org o por tel. 335-5400890 cina en jöbia, ai 4 de jügn.

*Der dreieinige Gott sagt uns:
vor Grundlegung der Welt habe ich euch
auserwählt und mit ewiger Liebe geliebt.*



Usc dla Cüra **BADIA**

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 27

Edema: 31.05.– 07.06.2015

Festa dla S. Trinité



Vangele dla Domënia che vëgn - Les Antlës „Ann B“

(Mc. 14,12-16 22-26)

Le pröm de dla festa di Pans Insuc, te chël ch'an toló ia l'agnel da Pasca, á dit i discepui a Gejú: Olá desson pa t'arjigné ca le past da Pasca?

Dailó ál ortié dui discepui danfora y ti á dit: Jide tla cité, dailó ves gnaral adincuntra n èl che porta n boché d'ega. Jidi do cina ch'al vá te na ciasa; spo dijedi al patrun de ciasa: Le maester te damana: Olá é pa le salamënt olach'i pó mangé cun mi discepui l'agnel da Pasca? Y le patrun ves mostrará n gran salamënt söalt tapezé fora cun plomac, che é bele arjigné ca por le past da festa. Dailó arjignede ca por nos! I discepui s'á metü sön tru y é rová tla cité. Ai á urté döt sciöch'al ti á dit y á arjigné ca le past da Pasca.

Tratan past ál tut le pan y á dit dilan, l'á rumpí, ti l'á sport y á dit: Toledé, chësc é mi corp. Spo ál tut le caresc, á dit dilan, ti l'á sport y düc á boiü d'infora. Y al ti á dit: Chësc é mi sanch, le sanch dl'alianza, che vëgn spanü por tröc. Amen, i ves diji: I ne boiará nia plü dl früt dla vigna cina en chël de, ch'i nen boiará danü tl rëgn de Dî. Do la ciantia de lalt esi jüs fora sön la Munt dl Ori.

FUNZIUNS SACRES

31.05. **FESTA dla Ss. TRINITÉ** – Domènia dles Families

- 10.00 Mëssa por la Comunità
15.00 Prozesciun te paisc cun Chëlbeldî da La Crusc
18.00 †ti Piccolruaz
†ti dla fam. Ferri

02.06. Mertesc

- 20.00 †ti Linert y Maria Valentin
por fam. Lois y Erna Valentin
a d'intenziun de Veneranda Ferdigg

03.06. Mercui - Mëssa cun i scolars

- 07.30 †ta Paola Valentin da Pransarores
†ti Flatscher

04.06. Jöbia

- 20.00 †ta Carmela Thaler
por les animes dl purgatore

05.06. Vëndres – Prüm vëndres dl mëis

- 07.30 †ti Otto y Notburga Alfreider - aniversar
por fam. Paul y Rosina Dapunt en rengraziamënt

06.06. Sabeda

- 07.30** Traslaziun de "Chëlbeldî da La Crusc" sö la Crusc
09.30 Mëssa sö La Crusc
por fam. Paul y Ida Frenademetz
por fam. Raimund y Gaby Irsara
por fam.es Franz Irsara y André Valentin
16.00 Mëssa a Oies

07.06. **FESTA DLES ANTLÈS – "CORPUS DOMINI"**

- 09.00** Mëssa solena ciantada
Prozesciun Eucaristica cun 2 Vangeli
15.00 Festa da Bato
18.00 †to Marco Gabrieli – aniversar
†to Lois Frena – aniversar
†to Paul Adang – aniversar
†to Stefo Irsara – aniversar
†to Paulin Irsara - aniversar



Dala VITA dla CÛRA

Festa y prozesciun dles Antlès

Tröc dij che la prozesciun dles Antlès ti sá val' tan de bel y da festa. Naota sinti instësc le bel dla fede y dla comunité, spo él ince na sort de demostraziun dla fede ai atri, che an mëss fá con convinziun. Cun la prozesciun portunse Chëlbeldî te nosc ambiënt de vita da vignidé, che le Signur nes benedësces cun süa prejënza y so amur y bun spirit.

Siur Degan



Comuniun ai amará: en vëndres, prüm dl mëis, ai 05.06.2015 jará siur degan dales 09:30 inant a proveder.

Recordun che la Santa **Mëssa** in les Antlès, Festa dl Cör de Gejù y en San Iaco sará por via dla **prozesciun** bele dales **09:00**.



Por chi de Jeo: düc i ciantadus che vá en Jenn é inviá a gní a daidé formé n cor de ëi por abelí musicalmënter y solenemënter la S.Mëssa ia in Jenn. Chi che fesc para é peria de gní a La Val, tl local di ciantadus, a 2 proes ai 02.06.2015 y ai 08.06.2015 dales 20:00.

Por düc chi che á interes él jödapé de dlijia l'regolamënt dla prozesciun de Jeo.

Al vëgn chirí n compagn da jí en Jeo. Cherdede al nr. 3293533754.

